

**Poli ka letere min ci
EFESIKAW
ma
Kitabu faamucogo**

Yesu ta ciraden Poli ka nin letere sebe k'a ci Efesi lanabagaw ma; o wagati ra a tun be kaso ra Romu. Efesi tun ye Azi mara ta duguba do ye.

Poli ta tagama sabanan na, a tun tora Efesi ka wagatijan ke. Mogo caman sonna Kibaro Diman* ma ka tugu Yesu ko. O ko, lanabaga dow sorora fana Efesi dugu kerefeyorow ra. Nin letere tun ka kan ka karan o yorow bee ta lanabagaw ye.

Nin letere ni letere tow te kelen ye, sabu nin letere konon Poli te lanabagaw jaraki ko do ra, nka a be nin letere sebe janko ka do fara lanabagaw ta lonniya kan, Kibaro Diman ko tan fan fe. O ka kan ka siyen min ta lanaya sira tagama ra, a be o ja gbeleya o siyenta ra, ko Ala ta se bagaya bena o deme ka se soron (6.12).

Poli be Kirisita ni lanabagaw ta jennogonya cogo yira ni tagamasiyen saba ye:

Lanabagaw kera i ko furumuso, Kirisita kera i ko fuce.

Lanabagaw kera i ko farikolo, Kirisita kera o farikolo kunkolo ye.

Lanabagaw kera i ko bon, Kirisita kera o bon kabakuru folo ye.

A laban a be lanabagaw ladi, ko o ye tagama ka kana ni Ala sago ye, ka jogon bonya, ani ka jogon kanu.

Kitabu konokow

Yesu Kirisita le ye Kisibaga ye (1-2)
 Lanabagaw kera farikolo kelen ye (3.1-4.16)
 Lanabaga ta jogokura ye kanuya ye (4.17-6.24)

Poli ta fori

¹ Ne Poli, ne min kera Yesu Kirisita ta ciraden* ye ka kapa ni Ala sago ye, ne be nin sebe ci Ala ta mogo saninmanw ma Efesi, minw kera kankelentiw ye, ka to Yesu Kirisita ta jɛnɔgɔnya ra. ² An Fa Ala ni Matigi Yesu Kirisita ye baraka don aw ra, ka hera ke aw ye.

*Baraka min be soro Kirisita fe
 (Romukaw 8.15-17,28-30)*

³ An ye Ala tando, an Matigi Yesu Kirisita Fa; ale le ka Nin Saninman ta barakaw bee di an ma sankolo yoro ra, Kirisita ta jɛnɔgɔnya koson. ⁴ Sabu sani dunuɔa ye dan, Ala tun ka an panawoloma ka ban ka an don Kirisita ta jɛnɔgɔnya ra, janko an ye saninya, jarakiyoro si kana soro an na a ja koro. ⁵ Ala yere le tun konna ka o ko latige a ta kanuya koson, ko a bena an ke a denw ye Yesu Kirisita sababu ra; a sonna ka o latige, ka kapa ni a ta numanya ye. ⁶ A ka o ke, janko an ye a tando a ta neema bonya koson; a ka o neema ke an ye a ta mogo kanunin sababu le ra.

⁷ Yesu Kirisita jori baraka ra, Ala ka an kumabo, ka an ta jurumun yafa, ka kapa ni a ta neemaba ye. ⁸ A ka o neema ke an ye k'a caya; an be hakiritigiya bee, ani lonniya bee soro o neema baraka ra. ⁹ A sago tun ye min ye, a ka o gundo yira an na; a ka o latige a ta numanya koson Yesu

Kirisita le baraka ra. ¹⁰ A tun ko ni wagati dafara, a bena o ke an ye; a bena sankolokonofenw ni dugukolokanfenw bee lajen nagon kan ka o bla kuntigi kelen korɔ, ka o kuntigi ke Yesu Kirisita ye.

¹¹ Yesu Kirisita le koson fana Ala ka an nanawoloma ka an ke a ta ye; ale Ala min be fen bee ke ka kana ni a sago ye, ale le tun ka o latige kakoro kabini wagatijan, ¹² janko an minw konna ka an jigi la Kirisita kan, an ye ke a tandobagaw ye, a ta bonya koson.

¹³ Ayiwa, aw fana ta kera ten; Ala ta Kuma min be can yira, aw ka o lamɛn. O Kibaro Diman* le ka aw kisi. Aw lara Kirisita ra minke, Ala tun ka Nin Saninman min layiri ta, a ka o di aw ma; o kera aw kan i n'a fo a borono, k'a yira ko aw ye Ala ta ye. ¹⁴ Ala b'a fe ka kopuman minw ke an ye, Nin Saninman le ye o sarati ye; a ka o Nin Saninman di an ma. O le b'a yira an na ko mogo o mogo kera Ala ta ye, Ala be o kunmabo; o koson an ye Ala tando a ta bonya koson.

Poli ta Aladaari
(Kolosikaw 1.3-6,9-13; Filipikaw 2.9-11)

¹⁵ Ne balemaw, aw lara Matigi Yesu ra cogo min na, ani aw be Ala ta mogo saninmanw kanu cogo min na, o kibaroyaw sera ne ma. ¹⁶ O le koson ne be Ala daari, ka baraka la Ala ye aw ta ko ra wagati bee, ¹⁷ janko norotigi Fa Ala, an Matigi Yesu Kirisita ta Ala, o ye hakiritigiya di aw ma, ka a yere yira aw ra, janko aw ye a lon ka na. ¹⁸ Ne be a daari ko a ye aw hakiri dayele, janko a ka aw wele ka jigiya min di aw ma, aw ye o jigiya soro, ani Ala ka fennuman minw mara aw

ni lanabaga tōw ye, ko a b'a fε ka o di aw ma, aw ye o fεnw bonya ni a caya lōn. ¹⁹ Ne bε Ala daari fana, janko a ka baraka min di an lanabagaw ma ka kapa ni a ta sebayayaba ye, aw ye o baraka bonya ni a caya lōn.

²⁰ Ala ka o baraka yira an Kisibaga* Yesu le fε; a k'a lakunu ka bō saya ra k'a lasigi sankolo ra a yere kininboroyanfan fε. ²¹ A k'a sigi masaya bεε kunna, ani fangatigiya bεε, ani sebayaya bεε, ani kuntigiya bεε; tōgō o tōgō bε fō dunupa ra yan, ani tōgō o tōgō bena fō hali dunupa nata ra, Yesu bε o tōgōw bεε kunna. ²² Ala ka fεn bεε bla a senw jukōrō, k'a kε lanabagaw ta jenkuru kuntigiba ye. ²³ O jenkuru le ye Kirisita farikolo ye; a ta bonya ka o jenkuru fa, ka dunupa yōrō bεε fa fan bεε ra.

2

*Ka bō saya ra ka don panamanyakura ra
(Kōlōsikaw 2.12-13; 3.1-3; Tite 3.3-8)*

¹ Fōlōfōlō aw tun sanin lo aw ta terenbariyakow ni aw ta jurumunw kosōn. ² Aw tun bε tagama o terenbariyakow, ani o jurumunw le ra, ka kapa ni nin dunupa ta cogo ye, ani ka kapa ni dunupa fanga ta kuntigiba sago ye; mōgō minw bε muruti Ala ma, o nin le bε baara kε olugu kōnō. ³ An bεε fana tun bε o sira le kan fōlōfōlō; an tun bε an farisogo diyanyakow le kε; an yere sagonankow, an tun bε o le kε, ani ko minw tun bε ben an yere ta miiriya ma. An ni mōgō tōw bεε ta cogo tun ye kelen ye; Ala ta dimi tun ka kan ka se an bεε ma.

⁴ Nka Ala ta hina ka bon kosebe; a ka an kanu ni kanuyaba ye; ⁵ o koson wagati min na an tun sanin lo an ta terenbariya koson, a ka panamanyakura di an ma Yesu Kirisita ta jɛnɔgɔnya ra. Ala ta nɛɛma le baraka ra aw kisira. ⁶ Ala ka an lakunu ka bo saya ra ni Kirisita ye, ka an sigi ni a ye sankolo ra, Yesu Kirisita ta jɛnɔgɔnya ra. ⁷ A ka o numanya ke an ye Yesu Kirisita baraka le ra, janko wagati nataw ra, mɔgɔw ye a ta nɛɛma ko lon, o nɛɛma min ka bon, ani a ka ca. ⁸ Sabu Ala ta nɛɛma le koson aw kisira, o kera lanaya le sababu ra; o ma bo aw yere ra de, Ala le k'a di gbansan. ⁹ A ma ke aw yere ta kewalew koson, janko mɔgɔ si kana a yere bonya.

¹⁰ An ye Ala ta danfenw le ye; a ka an dan Yesu Kirisita ta jɛnɔgɔnya ra, janko ale yere Ala konna ka kewalenuman minw laben an ye, an ye ke o kebagaw ye.

*Lanabagaw beɛ kera kelen ye
(Heburuw 10.19-22)*

¹¹ Ayiwa, aw ye aw hakiri to a ra ko aw tun ye siya were mɔgɔw* le ye folofolo. Yahudiya minw ko, ko olugu kenɛsigira, olugu tun be aw le jatera kenɛsigibariw ye, k'a soro o no min be olugu farisogo ra, o ye mɔgɔ borono dama le ye. ¹² O wagati ra koni aw yoro tun ka jan Kirisita* ra, aw ninyoro tun te ni Izirayelimogow ye, aw ninyoro tun te Ala ta layiri ni a ta jɛnɔgɔnyaw ra, jigiya tun te aw fe, Ala tun te aw fe dunuɔa kono. ¹³ Nka sisan aw minw yoro tun ka jan

Ala ra, aw yɔrɔ surunyara a ra Yesu Kirisita ta jɛnɔɔɔnya sababu ra, Kirisita jori baraka ra.

¹⁴ Ale le ka hera ke an ye. Yahudiyaw ni siya wɛrɛ mɔɔɔw*, a ka olugu fla ke kelen ye. Juguya kogo min tun bɛ an faran ka bɔ ɔɔɔn na, a ka o ci. ¹⁵ A ta saya baraka ra, a ka sariya* ta cifɔninw, ani a ta kolatigeninw bɛɛ ban. A ka o siya fla jɛn ka o ke siyakura kelen ye a ta jɛnɔɔɔnya ra, ka hera don o ni ɔɔɔn cɛ. ¹⁶ A ka bɛn don o ni Ala cɛ ka o siya fla ke i ko farikolo kelen, gbengbenyiri* saya baraka ra, ka juguya ban pewu o ni ɔɔɔn cɛ. ¹⁷ A nana hera kibaro diman fɔ aw yɔrɔjanmɔɔɔw ye, ka hera kibaro diman fɔ yɔrɔsurunmɔɔɔw ye. ¹⁸ Sabu Kirisita le sababu ra, ni an kɛra siya min o min ye, an bɛɛ bɛ se ka Fa Ala ta jɛnɔɔɔnya sɔrɔ, Nin Saninman* kelen sababu ra.

¹⁹ Ayiwa, o le kosɔn aw tɛ lonanw ye tuun, walama yɔrɔ wɛrɛ mɔɔɔw, nka aw ni Ala ta mɔɔɔ saninmanw kɛra i ko jamana kelen denw; aw ye Ala ta somɔɔɔw le ye. ²⁰ Aw kɛra i n'a fɔ bonba, min jusiginan ye ciradenw* ni ciraw ye; Yesu Kirisita yɛrɛ le ye o bon kabakuru fɔlɔ ye. ²¹ Ale le baraka ra, bon kabakuruw bɛ ɔɔɔn mina ka na, ka ke Alabatosoba saninman ye, ka ke Matigi ta ye. ²² Ayiwa, Yesu ta jɛnɔɔɔnya ra, Ala ka aw lɔ ɔɔɔn fɛ ka aw ke i n'a fɔ bonba, ka aw ke Ala sigiyɔrɔ ye, Nin Saninman baraka ra.

3

*Kibaro Diman gundo yirara
(Kolɔsikaw 1.24-29; 2.1-3; Piyeri fɔlɔ 1.10-12)*

¹ O le koson ne Poli, ne kera kasoden ye Yesu Kirisita tɔgɔ koson, sabu ne be Kibaro Diman* waajuri kera aw siya were mɔgɔw* ye. ² Ala makarira ne ra cogo min na ka ne ke Kibaro Diman fɔbaga ye aw ye, sigiya t'a ra, aw yere ka o lon. ³ Ala yere le ka o gundo yira ne ra; ne ka o le doonin fo aw ye ka ban ne ta sebe konɔ. ⁴ Ni aw ka o karan, Ala ka hakiri min di ne ma ka o gundo faamu Kirisita* ta ko ra, aw yere bena o ye.

⁵ Mɔgɔ minw temena folofolo, Ala tun ma o gundo yira olugu ra, i n'a fo a k'a yira cogo min na sisan a ta ciraden saninmanw ni a ta cira saninmanw na Nin Saninman* baraka ra. ⁶ O gundo fe nin ye, ko Ala be fenɗuman minw mara a ta mɔgɔw ye, Yahudiyaw ni siya were mɔgɔw* bee bena o soro jɔgon fe, ka jen ka ke i ko farikolo kelen; Ala ka layiri min ta Kibaro Diman sababu ra, Yesu Kirisita ta jenɗogonya koson, o bee ninyoro be o ra fana.

⁷ Ayiwa, ne kera Ala ta baaraden ye o Kibaro Diman waajuri le koson, ka kapa ni Ala ta neema ye; a ka o neema ke ne ye a ta sebagaya baraka ra. ⁸ Ne min ye Ala ta mɔgɔ saninmanw bee ra fitini ye, Ala ka o neema ke ne ye, ko ne ye Kibaro Diman lase siya were mɔgɔw ma, o kibaro diman min ye Yesu Kirisita ta naforo banbari ye; ⁹ a ko ne ye o gundoko yira kene kan, janko bee ye a lon. Ala min ka fen bee dan, a tun ka o gundo dogonin to, kabini dunupa ma dan folo; ¹⁰ janko lanabagaw ta jenkuru sababu ra, masayaw ni kuntigiya minw be sankolo yorow ra, olugu fana ye a lon sisan ko hakiritigiya be Ala fe fen bee ra,

ani ko bεε ra. ¹¹ Ala tun ka o kow latige kabini dunupa ma dan folo, ka na o ke an Matigi Yesu Kirisita baraka ra. ¹² Ale ta jenɲogonya le koson, an be se ka madon Ala ra ni jagbeleya ye lanaya sababu ra, siranya te ke an na.

¹³ Ayiwa, ne balemaw, tooɔ min be ne kan aw koson, o kana aw fari faga; o ye aw ta kunkorotasababu le ye.

Poli ta daariri kun ye Kirisita ta kanuya ko ye

¹⁴ O le koson ne be ne kinbiri gban ka Fa Ala daari; ¹⁵ ale le ye danfenw bεε Fa ye, dugukolo kan, ani sankolo kono. ¹⁶ Ne be a daari ko a ta Nin Saninman* ye baraka don aw jusukun na, ka kana ni a ta nooro bonya ye, ¹⁷ ani ko Kirisita* ye sigi aw jusukun na lanaya baraka ra, janko aw ye to kanuya ra, i ko yiri liliw be don dugukolo ra cogo min na, ani i ko bon be lo a jusiginan kan cogo min na; ¹⁸ ni o kera, aw ni Ala ta mogo saninmanw bεε bena Kirisita ta kanuya bonya lon, ani a janya, ani a dunya, ani a lo; ¹⁹ Kirisita ta kanuya min temena adamaden bεε ta lonniya kan, aw bena se ka o lon, k'a to Ala ye aw jusukun fa o kanuya ra, fo ka aw wasa.

²⁰ Ayiwa, Ala le be se ka fen bεε ke an ye ka teme an yere ta daariri bεε kan, ani an ta miiriya bεε kan pewu, a ta se bagaya sababu ra, o se bagaya min be an kono; ²¹ an ye bonya la ale Ala le kan lanabagaw ta jenkuru ce ma, Yesu Kirisita ta jenɲogonya ra, wagati bεε, ani tuma bεε! Amina.

4

*Lanabagaw bεε kera farikolo kelen ye
(Kɔlɔsikaw 3.12-14; Rɔmukaw 12.4-8;
Korentikaw fɔlɔ 12.4-31)*

¹ Ayiwa, ne min ye kasoden ye Matigi Yesu tɔgɔ kosɔn, ne bε aw daari ko aw ye jija, janko Ala ka aw wele min kama, aw ye tagama ka kaɲa ni o ye. ² Aw ye aw yere majigi cogo bεε ra, ka sabari ɲogɔn ye, ka muɲu. Aw ye ɲogɔn ta kow sonmina ni kanuya ye. ³ Nin Saninman* ka aw ben ka aw kε kelen ye cogo min na, aw ye jija janko o ben ye to aw ni ɲogɔn cε, ka hera to aw ni ɲogɔn cε.

⁴ Farikolo kelen le bε yi, ani Nin Saninman kelen; Ala ka aw wele ka jigi min di aw ma, o fana ye jigi kelen le ye. ⁵ Matigi kelen le bε yi, ani lanaya kelen, ani batizeri kelen. ⁶ Ala kelen le bε yi, min ye an bεε Fa ye; a bε an bεε kunna, a bε an bεε fε, a bε an bεε jusukun na.

⁷ Ala nεεmara an ye ka fen dɔ di an bεε kelen kelen ma ka kaɲa ni Kirisita* yere ta sebgaya le ye. ⁸ O le kosɔn a sebera ko:

«A yelenna san fε,
a tagara ni mɔgɔ minanin caman ye;
a ka fenw di mɔgɔw ma gbansan.»

⁹ K'a fɔ ko «a yelenna,» o kɔrɔ le ye di? O kɔrɔ le ye ko a kɔnna le ka jigi ka na fɔ dugu ma, dugukolo kan fɔlɔ. ¹⁰ O ra, min jigira, ale kelen le yelenna fɔ ka taga tεmε sankolo yɔrɔ bεε kunna, ka dunuɲa yɔrɔw bεε fa ni a ta sebgaya ye.

11 Ale le ka dow ke ciradenw* ye, ka dow ke ciraw ye, ka dow ke Kibaro Diman fobagaw ye, ka dow ke lanabagaw ta jenkuru korosibagaw ye, ka dow ke lanabagaw karanbagaw ye. 12 A ka o bee ke, janko o ye Ala ta mogō saninmanw laben Ala ta baara kama, k'a to Kirisita farikolo ye baraka sorō. 13 Ni o kera, lanaya baraka ra, ani Den min bora Ala ra*, o ta lonniya baraka ra, an bee bena ke kelen ye, ka ke mogokorobaw ye, ka se Kirisita yere ta dafacogo hakeya ma. 14 O cogo ra, an tena to denmisenya ra tuun, ka to ka fifa ka taga fan bee ra mogolafiribagaw ta karan fe; o be i ko forō, o be mogow lafiri ni o ta ceguya ye, ka o tugu o yere ko.

15 Nka ni an be can fo ni kanuya ye, an ta lanaya bena bonya cogo cogo bee ra Kirisita ta jenrogonya ra, ale min ye lanabagaw ta jenkuru kuntigi ye. 16 O jenkuru yorow bee kelen kelen sirinin lo rogōn na ka ke farikolo kelen ye ale Kirisita le baraka ra. Ni farikolo yoro bee kelen kelen be a ta baara ke, farikolo bee lajennin be bonya o cogo le ra kanuya ra.

*Lanabagaw ta tagamacogokura
(Kolōsikaw 3.1-16; Galasikaw 5.10-25)*

17 Ayiwa, ne balemaw, sisan ne bena min fo aw ye k'a gbeleya Matigi koson, o ye nin ye: aw lanabagaw man kan ka tagama i ko siya were mogow*; olugu be tagamana ka kana ni o ta hakirintanya le ye. 18 O hakiri finnin lo, Ala be panamanyakura min di, o ka o yere nin bo o ra o ta kolonbariya ni o ta jusukungbeleya koson. 19 A kera ten, maroya kise kelen te o ra tuun; o ka o

yeɛ bla marobariyakow ra, o be kojugu suguya beɛ ke, o te o yeɛ mina.

²⁰ Ayiwa, Yesu Kirisita ka aw karan min na, o te o ye! ²¹ Sigiya t'a ra, aw ka Yesu ko men, aw ka a ta karan lon, k'a lon ko can lo. ²² O ra, aw tun be tagama cogo min na folofolo, aw ye o cogo dabra pewu; o kokoro nege le be mogow lafiri ka halakiri lase o ma. ²³ O koson aw y'a to aw hakiri ni aw ta miiriya beɛ ye yeɛma, ka ke kura ye. ²⁴ Aw ye tagama cogokura ra; o le bennin be ni Ala cogo ye; o ye terreninya ni saninyari ye, ka kapa ni can ye.

²⁵ O koson aw ye faninya dabra, aw beɛ kelen kelen ye can fo ngon ye; sabu an beɛ sirira ngon na, ka ke ngon farikolo yoro do ye.

²⁶ Ni aw dimina, aw kana a to dimi ye aw bla jurumun na; aw kana a to tere ye ben ka aw diminin to. ²⁷ Aw kana a to Setana ye cogo soro ka aw korobo.

²⁸ Ni do tun ye son ye, o tigi ye sonyari dabra; a ye jija ka baara ke a yeɛ ye, baara min be se ka a nafa, janko ale yeɛ ye se ka deseɛbagato dow demɛ.

²⁹ Aw kana a to kumakanjugu si ye bo aw da ra. Kuma min be se ka do fara balemaw ta lanaya kan, kuma min be se ka mogo mako na, ka baraka don aw lamɛnɛbagaw ra, aw ye o le fo.

³⁰ Aw kana Ala Nin Saninman* janasisi; ale le ye Ala borono tagamasiyen ye aw kan, ko lon do Ala bɛna aw kunmabo pewu. ³¹ O le koson aw ye jusumangboya ni dimi ni jusubo ni woyo ni ngonkorofɔ beɛ dabra; aw ye juguya suguya

bεε dabla. ³² Aw ye kojuman ke jɔgɔn ye, ka hina jɔgɔn na, ka yafa jɔgɔn ma, i n'a fɔ Ala yafara aw ma cogo min na Yesu Kirisita kosɔn.

5

*Lanabagaw ka kan ka tagama yeelen na
(Tesalonikikaw fɔlɔ 4.1-8; Korentikaw fɔlɔ 6.9-11)*

¹ Ayiwa, ne balemaw, aw minw kera Ala den kanuninw ye, aw ka kan ka ke Ala ladegibagaw le ye. ² Aw ye tagama kanuya ra i n'a fɔ Kirisita* yere ka an kanu cogo min na, fɔ ka a yere di Ala ma an kosɔn, i ko sarakafen, ani saraka fagata min kasa ka di Ala ye.

³ Ayiwa, jatɔya, ani ko saninyabari suguya o suguya, ani natabaya, o tɔgɔ yere kana fɔ aw ce ra; sabu o kow te ben Ala ta mɔgɔ saninmanw ce ra. ⁴ A daganin te fana ko marobariyakuma ye men aw da ra, walama kumakunntanw, walama naganagakanw; o man ni. Aw ye baraka le la Ala ye. ⁵ Sabu aw ye la a ra ko mɔgɔ o mɔgɔ be jatɔya ke, walama ko saninyabariw, walama natabaya min ni josɔn be ka kan, o mɔgɔw si nin te Ala ni Kirisita ta Masaya* ra.

⁶ Aw kana a to mɔgɔ si ye aw lafiri ni kuma gbansan were ye, sabu o ko jɔgɔnw le b'a to Ala ta dimi be se Ala kanlabagaw ma. ⁷ O kosɔn aw kana don o mɔgɔw ta jen ra fiyewu.

⁸ Fɔlɔfɔlɔ aw tun be dibi ra, nka sisan aw be yeelen na, Matigi ta jenjɔgɔnya ra; o le kosɔn aw ye tagama i ko mɔgɔ minw be yeelen na.

⁹ Sabu minw be yeelen na, olugu be jumanya ni terenninya ni can sira le tagama.

¹⁰ Ko minw ka di Ala ye, aw ye jija ka o faranfasi k'a lon. ¹¹ Mɔgɔw be ko nafantan minw ke dibi ra, aw kana aw sen don o kow ra fiyewu; nka aw ye o kewalew fo kene kan. ¹² Sabu o mɔgɔw be ko minw ke dogo ra, o kow fori yere be maroya bla mɔgɔ ra. ¹³ O be min kera dogo ra, ni o ka fo kene kan, o ta jogo be yira ka gbeya; sabu ni fen o fen ka yira kene kan ka gbeya ka ban, o be yelema ka ke yeelen ye. ¹⁴ O le koson a fora ko:

«Ele min be sunɔgora, i kunu!

I kunu ka bo suw ce ra,

Kisibaga* bena yeelen bo i ye.»

¹⁵ Ayiwa, aw ye aw yere korosi ka aw tagamacogo lon. Aw kana ke hakirintanw ye, nka aw ye ke hakiritigiw ye. ¹⁶ Ala be wagati min di aw ma, aw ye o ke ka baaranuman le ke; sabu bi ta terew man ji. ¹⁷ O koson aw kana ke hakirintanw ye; nka Matigi sago ye min ye, aw ye jija ka o lon.

¹⁸ Aw kana dorɔ min ka janamini; o be mɔgɔ bla kopagamininw le ra. Nka aw y'a to Nin Saninman* ye aw fa.

¹⁹ Aw ye jɔgon ladi ni Zaburuw kitabu donkiriw ye, ani Alatandodonkiriw; aw ye o donkiriw la ka Matigi tando ni aw jusukun bee ye. ²⁰ Aw ye baraka la Fa Ala ye tuma bee, ani fen bee koson, an Matigi Yesu Kirisita tɔgo ra.

²¹ Aw ye aw yere majigi jɔgon ye Kirisita* nasiran koson.

*Furuce ni a furumuso**(Kɔɔɔsikaw 3.18-4.1; Piyeri fɔɔɔ 2.18-25; 3.1-7)*

²² Ayiwa, musow, aw ye aw yere majigi aw cew ye i ko aw be aw yere majigi Matigi ye cogo min na. ²³ Sabu ce le ye a muso kuntigi ye, i ko Kirisita ye lanabagaw ta jenkuru kuntigi ye cogo min na; lanabagaw kera i ko Kirisita farikolo, ale kera o Kisibaga* ye. ²⁴ O koson lanabagaw majiginin lo Kirisita ye cogo min na, musow fana ka kan ka o yere majigi o cew ye o cogo ra, fen bee ra.

²⁵ Ayiwa, aw cew, aw ye aw musow kanu i ko Kirisita ka lanabagaw ta jenkuru kanu cogo min na, fo ka a yere di ka sa a koson, ²⁶ janko k'a ko k'a gbe ni ji ye, Kibaro Diman* kuma baraka ra, k'a saninya. ²⁷ A ka o ke, janko o jenkuru nɔɔɔɔman ye lo ale yere na fe, nɔɔɔ si kana ke a ra, walama nuguyɔɔ, walama fen benbari, nka a saninyanin ni a jarakibari ye sɔɔɔ.

²⁸ Ayiwa, cew fana ka kan ka o musow kanu o cogo le ra, i ko o yere farikolo. Mɔɔɔ min be a muso kanu, o tigi be a yere le kanu. ²⁹ Sabu mɔɔɔ si te a yere farisogo koninya. Mɔɔɔ be a farisogo baro, ka a janto a ra, i ko Kirisita ka a ke lanabagaw ta jenkuru ye cogo min na, ³⁰ sabu an bee kelen kelen be Kirisita farikolo yɔɔɔ do le ye. ³¹ O koson a sebera ko: «Ce bena bo a face ni a bamuso kɔɔɔ ka nɔɔɔ a muso ra; o fla be jen ka ke mɔɔɔ kelen ye.» ³² Nin kuma ye gundoba le ye; ne be o fora ka Kirisita ni lanabagaw ta jenkuru ta jennɔɔɔnya le yira.

5:31 5.31 Nin kuma fora Damina 1.27 ani 2.24.

³³ A kɔrɔ le ye fana ko aw cɛw bɛɛ kelen kelen ka kan ka aw ta muso kanu i ko aw yere, ko muso fana ka kan ka a cɛ bonya.

6

Denw ni o worobagaw

¹ Ayiwa, denmisenw, aw fana ye aw worobagaw kan mina ka kapa ni Matigi ta kuma ye; o le bennin bɛ. ² A sebera ko: «I fa ni i ba bonya.» Ala ta sariya* ra, min fora ka layiri fara a kan, nin le kera o folo ye. ³ A layiri ye ko «janko i ye hera sɔrɔ, ani ka sijan sɔrɔ dugukolo kan.»

⁴ Ayiwa, aw faw, aw kana aw ta denw lamuruti; aw ye o lamɔ ka pa, ka o koro, ka o ladi ka kapa ni Matigi ta kuma ye.

Baaradenw ni o kuntigiw

⁵ Aw baaradenw, minw ye aw kuntigiw ye dugukolo kan yan, aw ye olugu kan mina, ka baara ke o ye ni nasiran ni bonya ye, ani jusukungbenin ye, k'a ke i n'a fo aw b'a kera Kirisita* yere le ye. ⁶ Aw kana baara ke o pa kɔrɔ k'a ke i n'a fo aw b'a fe ka aw yere ko diya o ye dɔrɔn; aw ye baara ke ni aw jusukun bɛɛ ye ka kapa ni Ala sago ye, i ko Kirisita ta baaradenw. ⁷ Aw ye baara ke ni aw jusukun bɛɛ ye, i n'a fo aw b'a kera Matigi le ye; aw kana a ke i n'a fo aw b'a kera mɔgɔw le ye. ⁸ Aw k'a lon ko ni i kera mɔgɔ o mɔgɔ ye, jon o, hɔrɔn o, bɛɛ kelen kelen bɛna a ta sara sɔrɔ Matigi fe, ka kapa ni a ta koɓuman ye.

⁹ Aw kuntigiw, aw fana ye aw ta baaradenw minako ja; aw kana fariya o ma, sabu aw k'a lon ko aw ni olugu bee ta Kuntigi be sankolo ra; ale te mogo bo mogo ra.

Lanabaga ta kerékeminanw

¹⁰ Ayiwa, kuma laban ye ko aw ye baraka don aw yere ra, an Matigi sababu ra, a ta baraka banbari sababu ra. ¹¹ O ra, Ala be kerékeminan minw di, aw ye o bee don aw yere ra, janko aw ye se ka lo ka Setana ni a ta nanbarakow kere. ¹² Sabu an te siyen tara ni adamadenw ye; an be siyen tara ni Setana ta masayaw le ye, ani a ta sebayaw, ani a ta fangatigiya minw be baara ke dibi ra dugukolo kan, ani a ta jina minw sigira dunupa kunna kojugu kama.

¹³ O le koson, Ala be kerékeminan minw di aw ma, aw ye o bee ta, janko aw ye se ka se soro Setana kan wagatigbelenw na; aw ye a kere ka se fo a laban ma, o ko, aw lonin belen ye to aw no ra.

¹⁴ Aw ye aw yere laben ka a konɔ: aw ye can ke aw ta kurusijara ye, terenninya ye ke aw ta negederege ye, ¹⁵ Kibaro Diman* min be jususuma di, o waajuri ko ye ke aw jusu ra tuma bee; o ye ke aw sennasanbara ye. ¹⁶ Lanaya ye ke aw ta negebennan ye wagati bee; aw be Setana ta bibe tasumamanw bee konɔ ka o faga ni o le ye. ¹⁷ Aw ye Ala ta kisiri ko ke aw ta negefugula ye, ka o biri aw kun na. Aw ye Nin Saninman* ta kerékemuru ta, min ye Ala ta Kuma ye.

¹⁸ Aw ye Ala daari Nin Saninman baraka ra tuma bee; aw ye daaririw, ani daaririgbelen

suguya bæε κε. Aw kɔni ye jija o ra yeε le; aw kana o dabla. Aw ye Ala daari Ala ta mɔɔ saninmanw bæε ye. ¹⁹ Aw ye Ala daari ne ye fana, janko ni ne ka ne da yeε, Ala ye a ta kuma don ne da ra ka Kibaro Diman gundo yira mɔɔw ra, siranya kana κε ne ra. ²⁰ Ne ye o Kibaro Diman ta lasigiden le ye; o kosɔn o ka neɛjɔrɔko don ne ra. Aw ye Ala daari ne ye, janko ne ye Kibaro Diman fɔ a fɔcogo ra, siranya kana κε ne ra.

Pɔli ta fori

²¹ Ayiwa, an balemace kanunin Tisiki, min ye Matigi ta baaradenɗuman ye, ale bɛna nin kow bæε jafɔ aw ye, janko min bε ne fε, ani ne bε min kɛra, aw ye o lɔn. ²² Ne k'a lawuri a kama k'a ci aw fε, janko kibaroya minw bε an fε yan, aw ye o lɔn, ani aw hakiri fana ye sigi.

²³ An Fa Ala ni an Matigi Yesu Kirisita ye hɛra ni kanuya di balemaw bæε ma, ani lanaya.

²⁴ Mɔɔ minw bæε bε an Matigi Yesu Kirisita kanu ni kanuya banbari ye, Ala ye neεma olugu bæε ye.

Biblu Ala ta Kuma
Jula: Biblu Ala ta Kuma Bible

copyright © 2013 Wycliffe Bible Translators, Inc.

Language: Julakan

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 13 Jul 2024 from source files
dated 29 Jan 2022

0c9588de-99ac-53f9-aa9b-6885106dcde8